

【经文信息】大正藏第 47 册 No. 1990

袁州仰山慧寂禅师语录 1 卷

No. 1990

袁州仰山慧寂禅师语录

径山沙门语风圆信无地地主人郭凝之 編集

师。讳慧寂。韶州怀化叶氏子。年九岁。于广州和安寺。投通禅师出家(即不语通)十四岁。父母取归。欲与婚媾。师不从。遂断手二指。跪至父母前。誓求正法以答劬劳。父母乃许。再诣通处。而得披剃。未登具。即游方。初谒耽源。已悟玄旨。后参洵山。遂升堂奥。耽源谓师云。国师当时传得六代祖师圆相。共九十七个。授与老僧。乃云。吾灭后三十年。南方有一沙弥到来。大兴此教。次第传受。无令断绝。我今付汝。汝当奉持。遂将其本过与师。师接得一览。便将火烧却。耽源一日问。前来诸相。甚宜秘惜。师云。当时看了。便烧却也。耽源云。吾此法门。无人能会。唯先师。及诸祖师。诸大圣人。方可委悉。子何得焚之。师云。慧寂一览。已知其意。但用得。不可执本也。耽源云。然虽如此。于子即得。后人信之不及。师云。和尚若要。重录不难。即重集一本呈上。更无遗失。耽源云。然。耽源上堂。师出众作此○相。以手拓呈了。却又手立。耽源以两手相交作拳示之。师进前三步。作女人拜。耽源点头。师便礼拜。师浣衲次。耽源云。正恁么时作么生。师云。正恁么时。向甚么处见。后参洵山。洵山问。汝是有主沙弥。无主沙弥。师云。有主。洵山云。主在甚么处。师从西过东立。洵山异之。师问。如何是真佛住处。洵山云。以思无思之妙。返思灵焰之无穷。思尽还源。性相常住。事理不二。真佛如如。师于言下顿悟。自此执侍。前后盘桓十五载。

师扫地次。洵山问。尘非扫得。空不自生。如何是尘非扫得。师扫地一下。洵山云。如何是空不自生。师指自身。又指洵山。洵山云。尘非扫得。空不自生。离此二途。又作么生。师又扫地一下。又指自身。并指洵山。

泐山。一日指田问师。这丘田。那头高。这头低。师云。却是这头高。那头低。泐山云。尔若不信。向中间立看两头。师云。不必中间立。亦莫住两头。泐山云。若如是着水看。水能平物。师云。水亦无定。但高处高平。低处低平。泐山便休。

有施主送绢与泐山。师问。和尚。受施主如是供餐。将何报答。泐山。敲禅床示之。师云。和尚。何得将众人物。作自己用(一本。泐山问师云。有俗弟子。将三束绢来。与我赎钟子。故与世人受福。师云。俗弟子。则有绢与和尚赎钟子。和尚将何物酬他。泐山。以拄杖敲床三下云。我将这个酬他。师云。若是这个用作甚么。泐山。又敲禅床三下云。汝嫌这个作甚么。师云。某甲不嫌这个。只是大家底。泐山云。尔既知是大家底。何得更就我觅物酬他。师云。只怪和尚把大家底行人事。泐山云。汝不见。达磨大师。从西天来此土。亦将此物来行人事。汝诸人。尽是受他信物者)。

师。在泐山为直岁。作务归。泐山问。甚么处去来。师云。田中来。泐山云。田中多少人。师插锹叉手。泐山云。今日南山大有人刈茅。师拔锹便行(玄沙备云。我若见。即踏倒锹子。僧问镜清。仰山插锹意旨如何。镜清云。狗[衔-金+缶]赦书。诸侯避道。僧云。祇如玄沙踏倒。意旨如何。镜清云。不奈船何打破庖斗。僧云。南山刈茅。意旨如何。镜清云。李靖三兄久经行阵。云居锡云。且道。镜清下此一判着不着。雪窦显云诸方咸谓。插锹话奇特。大似随邪逐恶。据雪窦见处。仰山被泐山一问。直得草绳。自缚死去十分翠岩芝云。仰山只得一椶。诸人别有会么)。

师在泐山牧牛时。踢天泰上座问云。一毛头师子现即不现。百亿毛头。百亿师子现。又作么生。师便骑牛归。侍立泐山次。举前话方了。却见泰来。师云。便是这个上座。泐山遂问。百亿毛头百亿师子现。岂不是上座道。泰云。是。师云。正当现时。毛前现毛后现。泰云。现时不说前后。泐山大笑。师云。师子腰折也。便下去。

师随泐山游山。到盘陀石上坐。师侍立次。忽鸦衔一红柿。落在面前。泐山拾与师。师接得洗了。度与泐山。泐山云。子甚处得来。师云。此是和尚道德所感。泐山云。汝也不得无分。即分半与师(玄沙云。大小泐山被仰山一坐。至今起不得)。

泐山问师。忽有人问汝。汝作么生祇对。师云。东寺师叔若在。某甲不致寂寞。泐山云。放汝一个不祇对罪。师云。生之与杀。祇在一言。泐山云。不

负汝见。别有人不肯。师云。阿谁。洸山指露柱云。这个。师云。道甚么。洸山云。道甚么。师云。白鼠推迁。银台不变。

师问洸山。大用现前。请师辨白。洸山下座归方丈。师随后入。洸山问。子适来问甚么话师再举。洸山云。还记得吾答语否。师云。记得。洸山云。尔试举看。师便珍重出去。洸山云。错。师回首云。闲师弟若来。莫道某甲无语好。

师。在洸山前坡牧牛次。见一僧上山。不久便下来。师乃问。上座何不且留山中。僧云。祇为因缘不契。师云。有何因缘。试举看。僧云。和尚问某名甚么。某答归真和尚云。归真何在。某甲无对。师云。上座却回。向和尚道。某甲道得也。和尚问作么生道。但云眼里耳里鼻里僧回。一如所教。洸山云。脱空谩语汉。此是五百人善知识语。

师卧次。梦入弥勒内院众堂中。诸位皆足。惟第二位空。师遂就座。有一尊者。白槌云。今当第二座说法。师起。白槌云。摩诃衍法。离四句绝百非。谛听谛听。众皆散去。及觉举似洸山。洸山云。子已入圣位。师便礼拜(洸山秀云依文解义即不无。忽然弥勒会中。有个作者。纔见伊道摩诃衍法。便云。合取两片皮。非唯止绝仰山寐语 亦免使后人梦中说梦。琅琊觉云。且道。圣众是肯。仰山是不肯。仰山若肯。又孤负仰山。若不肯。仰山犹如平地吃交。山僧。今日不惜眉毛。与诸人说破摩诃衍法。离四句绝百非。尔若举似诸方。诸方恁么会。入地狱如箭射 东禅观云。尊者白椎。圣众便散。不妨使人疑着。却待第二杓恶水泼了。方始惺惺迟也。且如摩诃衍法。离四句绝百非。道已道了。诸人还识仰山么)。

师侍洸山行次。忽见前面尘起。洸山云。面前是甚么。师近前看了。却作此



相。洸山点头。

洸山示众云。一切众生。皆无佛性。盐官示众云。一切众生。皆有佛性。盐官有二僧往探问。既到洸山。闻洸山举扬。莫测其涯。若生轻慢。因一日与师言话次。乃劝云。师兄须是勤学。佛法不得容易。师乃作此○相。以手拓呈了却。抛向背后。遂展两手。就二僧索。二僧罔措。师云。吾兄直须勤学。佛法不得容易。便起去。时二僧却回盐官行三十里。一僧忽然有省。乃云。当知洸山道。一切众生皆无佛性。信之不错。便回洸山。一僧更前行数

里。因过水。忽然有省。自叹云。泐山道。一切众生。皆无佛性。灼然有他
恁么道。亦回泐山。久依法席。

师因盐官会下。有数人到泐山。不肯伏。一日因普请西庄搬禾次。师至岭头
放下。后十数人亦到放下。师遂举起禾檐。向诸人前行一匝云。有么有么。
其一行僧。并无对。师云。赚杀人。便檐禾去。

泐山同师牧牛次。泐山云。此中还有菩萨也无。师云。有。泐山云。汝见那
个。是试指出看。师云。和尚疑那个不是。试指出看。泐山便休。

师。送菓子上泐山。泐山接得。问。子甚么处得来。师云。家园底。泐山
云。堪吃也未。师云。未敢尝。先献和尚。泐山云。是阿谁底。师云。慧寂
底。泐山云。既是子底。因甚么教我先尝。师云。和尚尝千尝万。泐山便吃
云。犹带酸涩在。师云。酸涩莫非自知。泐山不答。

师。夏末问讯泐山次。泐山云。子一夏不见上来。在下面作何所务。师云。
某甲在下面。鋤得一片畚下。得一箩种。泐山云。子今夏不虚过。师却问。
未审。和尚一夏之中。作何所务。泐山云。日中一食。夜后一寝。师云。和
尚今夏亦不虚过。道了乃吐舌。泐山云。寂子何得自伤己命(泐山喆云。仰山。
眼照四天下。到大圆面前。却向净地吃交大圆。可谓养子之缘。不免挂后人唇齿 龙门
远云。泐仰父子。寻常相见。游戏神通。不同小小。还有知得底么。若无。山僧。与汝
诸人说看。开得一片畚。绵绵密密。两顿粥饭。其道自办。山僧一夏与诸人相见。自是
诸人不荐。若也荐成一片。是甚么一片。看取当门箭 西禅儒云。泐仰父子。出入卷
舒。得能自在诸人切不得作世谛商量。又不得作佛法解会。既总不许与么商量。毕竟如
何会。开得一片畚。种得一箩粟。回头闲一望。山青水又绿。终日只一餐。夜后只一
宿。困来伸脚眠。千足与万足。相将八月九月来。篱边烂熳铺黄菊。东林颜云。今时师
僧。千百成群。经冬过夏。虚消岁月。深屈古人。东林不是。捡点先圣仰山逞俊太过。
吐舌只。得一半)。

泐山。一日见师来。即以两手相交过。各拨三下。却竖一指。师亦以两手相
交过。各拨三下却向胸前。仰一手覆一手。以目瞻视。泐山休去。

泐山餽鸦生饭。回头见师云。今日为伊上堂一上。师云。某甲随例得闻。泐
山云。闻底事作么生师云。鸦作鸦鸣。鹊作鹊噪。泐山云。争奈声色何。师
云。和尚适来道甚么。泐山云。我祇道。为伊上堂一上。师云。为甚么唤作
声色泐山云。虽然。如此验过也无妨。师云。大事因缘。又作么生验。泐山

竖起拳。师云。终是指东画西。汾山云。子适来问甚么。师云。问和尚大事因缘。汾山云。为甚么。唤作指东画西。师云。为着声色故。某甲所以问过。汾山云。并未晓了此事。师云。如何得晓了此事。汾山云。寂子声色。老僧东西。师云。一月千江。体不分水。汾山云。应须与么始得。师云。如金与金。终无异色。岂有异名。汾山云。作么生。是无异名底道理。师云。瓶盘钗钏券孟盆。汾山云。寂子说禅。如师子吼惊。散狐狼野干之属。

师一日侍汾山。忽闻鸟鸣。汾山云。伊说事却径。师云。不可向别人道。汾山云。何故恁么道。师云。为伊说太直。汾山云。多少法门。寂子一时推下。师云。推下事作么生。汾山敲禅床三下。

师住王莽山。因归省觐。汾山问。子既称善知识。争辨得诸方来者。知有不知有。有师承无师承。是义学是玄学。子试说看。师云。慧寂有验处。但见僧来。便竖起拂子问伊。诸方还说这个不说。又云。这个且置。诸方老宿意作么生。汾山叹云。此是从上宗门中牙爪。汾山又问大地众生。业识茫茫。无本可据。子作么生知他有之与无。师云。慧寂有验处。时有一僧。从面前过。师召云。阇黎。僧回首。师云。和尚。这个便是业识茫茫无本可据。汾山云。此是师子一滴乳。迸散六斛驴乳。师问双峯。师弟近日见处如何。云。据某见处。实无一法可当情。师云。汝解犹在境。云。某祇如此。师兄又如何。师云。汝岂不知。无一法可当情者。汾山闻云。寂子一句。疑杀天下人(玄觉云。经道。实无有法。然灯佛与我授记。他道。实无一法可当情。为甚么道解犹在境。且道。利害在甚么处)。

一日雨下。天性上座谓师云。好雨。师云。好在甚么处。天性无语。师云。某甲却道得。天性云。好在甚么处。师指雨。天性又无语。师云。何得大智而默。

一日。第一座举起拂子云。若人作得道理即与之。师云。某甲作得道理。还得否。座云。但作得道理便得。师乃掣将拂子去(云居铉云。甚么处。是仰山道理)。

庞居士问久向仰山。到来为甚么却覆。师竖起拂子。居士云。恰是。师云。是仰是覆。居士乃打露柱云。虽然无人也。要露柱证明。师掷拂子云。若到诸方。一任举似(隐静岑云。大小小释迦。被庞居士一搯。直得手忙脚乱。只如居士。打露柱一下。又作么生。鲸吞海水尽。露出珊瑚枝)。

三圣到参。师问。汝名甚么。三圣云。慧寂。师云。慧寂是我名。三圣云。我名慧然。师大笑而已。

有官人访师。师问。官居何位。云。推官。师竖起拂子云。还推得这个么。官人无对。师令众下语。皆不契。时三圣不安在。涅槃堂内将息。师令侍者。去请下语。三圣云。但道。和尚今日有事。师又令侍者问。未审有甚么事。三圣云。再犯不容。

南塔光涌禅师。北游谒临济。复归侍师。师云。汝来作甚么。南塔云。礼覲和尚。师云。还见和尚么。南塔云。见。师云。和尚何似驴。南塔云。某甲见和尚。亦不似佛。师云。若不似佛。似个甚么。南塔云。若有所似。与驴何别。师大惊云。凡圣两忘。情尽体露。吾以此验人二十年。无决了者。子保任之。师每谓人云。此子。肉身佛也。

霍山到参。师闭目坐。霍山乃翘起右足云。如是如是。西天二十八祖。亦如是。中华六祖亦如是。和尚亦如是。景通亦如是。师起来。打四藤条。霍山因此自称集云峯下四藤条天下大禅师。

赤干行者闻钟声。乃问。有耳打钟。无耳打钟。师云。汝但问莫愁我答不得。行者云。早个问了也。师喝云。去刘侍御问。了心之旨。可得闻乎。师云。若要了心。无心可了。无了之心。是名真了。

陆希声相公。欲谒师。先作此○相封呈。师开封。于相下面书云。不思而知。落第二头。思而知之。落第三首。遂封回。公见即入山。师乃门迎。公纔入门。便问。三门俱开。从何门入。师云。从信门入。公至法堂。又问。不出魔界。便入佛界时如何。师以拂子倒点三下。公便设礼。又问。和尚还持戒否。师云。不持戒。云还坐禅否。师云。不坐禅。公良久。师云。会么。云。不会。师云。听老僧一颂。滔滔不持戒。兀兀不坐禅。酤茶三两椀。意在**馊**头边。师却问。承闻相公看经得悟。是否。云。弟子因看涅槃经。有云。不断烦恼。而入涅槃。得个安乐处。师竖起拂子云。祇如这个。作么生入。云。入之一字。也不消得。师云。入之一字。不为相公。公便起去(法灯云。上座且道。入之一字。为甚么人。又云。相公且莫烦恼 雪窦显。于仰山举拂处别云。拂子到某甲手里也。又别后语云。我将谓尔是个俗汉)。

师。因韦宙就洩山请一伽陀。洩山云。覩面相呈。犹是钝汉。岂况形于纸墨。韦乃就师请。师于纸上。画一圆相。注云。思而知之。落第二头。不思而知。落第三首。

师为沙弥时。和安通。一日召师。将床子来。师将到。和安云。却送本处着。师从之。和安召慧寂师应诺。和安云。床子那边是甚么物。师云。枕头。和安云。枕头这边是甚么物。师云。无物。和安。复召慧寂。师应诺。和安云。是甚么。

师为沙弥时。有僧问石霜。如何是祖师西来意。石霜云。如人在千尺井中。不假寸绳出得。此人即答汝西来意。僧云。近日湖南畅和尚出世。亦为人东语西话。石霜唤沙弥。拽出这死尸着。师后问耽源。如何出得井中人。耽源云。咄。痴汉。谁在井中。师住问洩山。洩山召慧寂。师应诺。洩山云。出也。师住后常举前话。谓众云。我在耽源处得名。洩山处得地。

师作沙弥时。念经声高。乳源和尚咄云。这沙弥念经恰似哭。师云。慧寂祇恁么。未审。和尚如何。乳源乃顾视。师云。若恁么与哭何异。乳源便休。

师参东寺。东寺问。汝是甚处人。师云。广南人。东寺云。我闻广南有镇海明珠。是否。师云。是。东寺云。此珠如何。师云。黑月即隐。白月即现。东寺云。还将得来也无。师云。将得来。东寺云。何不呈似老僧。师叉手近前云。昨到洩山。亦被索此珠。直得无言可对。无理可伸。东寺云。真师子儿。善能哮吼(蒋山懃云。东寺只索一颗。仰山倾出一桡)师礼拜了。却入客位。具威仪再上人事。东寺见乃云。已相见了也。师云。恁么相见。莫不当否。东寺归方丈。闭却门。师归举似洩山。洩山云。寂子。是甚么心行。师云。若不恁么。争识得伊(保福展云。仰山大似蚊子上铁牛 承天宗云。仰山识得东寺。强说道理。即不可。设使洩山去也未能得与东寺相见在)。

师问东寺云。借一路过那边还得否。东寺云。大凡沙门。不可祇一路也。别更有么。师良久。东寺却问。借一路过那边得否。师云。大凡沙门。不可祇一路也。别更有么。东寺云。祇有此。师云。大唐天子。决定姓金。

师在中邑谢戒。中邑拍口。作和和声。师从西过东。中邑又拍口。作和和声。师从东过西。中邑又拍口作和和声。师当中而立。然后谢戒。中邑云。甚么处得此三昧。师云。于曹溪印子上脱来。中邑云。汝道。曹溪用此三

昧。接甚么人。师云。接一宿觉。师云。和尚甚处得此三昧。中邑云。我于马大师处。得此三昧(琅琊觉云愁人莫向愁人说)师问。如何得见佛性义。中邑云。我与汝说个譬喻。如一室有六窓。内有一猕猴。外有猕猴。从东边唤猩猩。猩猩即应。如是六窓俱唤俱应。师礼谢。起云。适蒙和尚譬喻。无不了知。更有一事。祇如内猕猴睡着。外猕猴欲与相见。又且如何。中邑下绳床。执师手作舞云。猩猩与汝相见了。譬如螻蛄虫。在蚊子眼睫上作窠。向十字街头叫云。土旷人稀。相逢者少(云居锡云中邑。当时若不得仰山这一句语。何处有中邑也 崇寿稠云。还有人定得此道理么。若定不得。只是个弄精魂脚手。佛性义在甚么处。玄觉云。若不是仰山。争得见中邑。且道。甚么处。是仰山得见中邑处)。

师参岩头。岩头举起拂子。师展坐具。岩头拈拂子置背后。师将坐具搭肩上。而出。岩头云。我不肯汝放。祇肯汝收。

师与长沙翫月次。师云。人人尽有这个。祇是用不得。长沙云。恰是倩汝用。师云。尔作么生用。长沙劈胸与一踏。师云。[口@力]。直下似个大虫(长庆棱云。前彼此作家。后彼此不作家。乃别云。邪法难扶 保福展云。好一个月。只是用力太多。被他踏破。却成两个。人人尽道。岑大虫奇特。须知仰山有陷虎之机 德山密代云。更与一踏 琅琊觉云。李陵虽好手。争免陷畚身 径山杲云。皎洁一轮。寒光万里。灵利者。叶落知秋。鬬茸者。忠言逆耳。休不休。己不己。小释迦。有陷虎之机。老大虫却无牙齿。当时一踏。岂造次。蓦然倒地非偶尔。众中还有缙素得二老出者么。良久云。设有。也是掉棒打月)。

师参古堤和尚。古堤云。去。汝无佛性。师叉手近前三步应诺。古堤笑云。子。甚么处得此三昧来。师云。我从耽源处得名。洸山处得地。古堤云。莫是洸山的子么。师云。世谛即不无。佛法即不敢。师却问。和尚从甚处得此三昧。古堤云。我从章敬处。得此三昧。师叹云。不可思议。来者难为湊泊。

师到虔州处微。处微问云。汝名甚么。师云。慧寂。处微云。那个是慧。那个是寂。师云。祇在目前。处微云。犹有前后在。师云。前后且置。和尚见个甚么。处微云。吃茶去。

师。后开法王莽山。问僧。近离甚处。僧云。庐山。师云。曾到五老峯么。僧云。不曾到。师云。阇黎不曾游山(云门偃云。此语。皆为慈悲之故。有落草之谈 洸山秀云。今人尽道。慈悲之故。有落草之谈。只知捉月。不觉水深。忽若云门。

当时谨慎唇吻。未审。后人若为话会。然水母无目。求食须假于虾 黄龙心云。云门仰山。只有受璧之心。且无割城之意。殊不知。被这僧一时领过。黄龙。今日更作死马医。乃拈拂子度与僧。僧拟接。便打 汾山喆云。仰山可谓光前绝后。云门虽然提纲宗要。钳锤天下衲僧。争奈无风起浪诸人还识这僧么。亲从庐山来 黄龙震云。仰山已是失却鼻孔。云门更下注脚。有什么救急处。我即不然。近离甚处。云。庐山曾到五老峰么。云。不曾到。只向道。别甌吹香。供养此人)。

上堂。汝等诸人。各自回光返照。莫记吾言。汝无始劫来。背明投暗。妄想根深。卒难顿拔。所以假设方便。夺汝麤识。如将黄叶止啼。有甚么。是处亦如人将百种贷物与金宝。作一铺贷卖。祇拟轻重来机。所以道。石头是真金铺。我这里是杂货铺。有人来觅鼠粪。我亦拈与他。来觅真金。我亦拈与他。时有僧问。鼠粪即不要。请和尚真金。师云。嚙镞拟开口。驴年亦不会。僧无对。师云。索唤则有交易。不索唤则无。我若说禅宗。身边要一人相伴亦无。岂况有五百七百众耶。我若东说西说。则争头向前采拾。如将空拳逛小儿。都无实处。我今分明向汝说圣边事。且莫将心凑泊。但向自己性海。如实而修。不要三明六通。何以故。此是圣末边事。如今且要识心达本。但得其本。不愁其末。他时后日。自具去在。若未得本。纵饶将情学他亦不得。汝岂不见。汾山和尚云。凡圣情尽。体露真常。事理不二。即如如佛。

僧问。如何是祖师意。师以手于空作此[○@佛]相示之。僧无语。

师谓第一座云。不思善不思恶。正恁么时作么生。座云。正恁么时。是某甲放身命处。师云。何不问老僧。座云。正恁么时。不见有和尚。师云。扶我教不起。

师问僧甚处来。僧云。幽州。师云。我恰要个幽州信。米作么价。僧云。某甲来时。无端从市中过。踏折他桥梁。师便休(侯宁勇云。放尔三十棒)。

师见僧来。竖起拂子。僧便喝。师云。喝即不无。且道。老僧过在甚么处。僧云。和尚不合将境示人。师便打。

有梵师。从空而至。师云。近离甚处。云。西天。师云。几时离彼。云。今早。师云。何太迟生。云。游山翫水。师云。神通游戏则不无。阇黎佛法。须还老僧始得。云。特来东土礼文殊。却遇小释迦。遂出梵书贝多叶与师。

作礼。乘空而去。自此号小释迦(东林总云。者方商量。如麻似粟。尽道这碧眼胡儿。来无踪去无迹。直是光前绝后。若不是仰山。也难为纵夺。诸禅德。殊不知。这碧眼胡儿。腾空而来。腾空而去。一生只在虚空里作活计。有什么光前绝后大小仰山被他将两杓恶水。蓦头浇了也。当时集云峯下。自有正令。何不施行。大众且道。作么生是正令咄 黄龙新云。大小仰山。被这僧热瞞。更出贝多梵书。涂糊一上。如今更有异僧。乘空而至。云岩门下。唤来洗脚 泐潭准云。可惜仰山放过这汉。当时若是宝峯。便与擒住。须教维那僧堂前撞钟集众。责状赶出。况佛法不当人情。既称罗汉。诸漏已尽。梵行已立。为什么不归家稳坐。只管游山翫水 昭觉勤云。驱耕夫之牛。夺饥人之食。是从上爪牙。这罗汉具许多神通妙用。到仰山面前直得目瞪口呆。何故。鹤有九皋难翥翼。马无千里谩追风 大沕泰云。大众。仰山。只知进前趁鹿。不知身。堕网。罗尊者偶尔成文。颇有衲僧气息。若人会得。许尔倒捋虎须)。

师住东平时。沕山令僧。送书并镜与师。师上堂。提起示众云。且道。是沕山镜。东平镜。若道是东平镜。又是沕山送来。若道是沕山镜。又在东平手里。道得则留取。道不得则扑破去也。众无语。师遂扑破。便下座(五祖戒云。更请和尚说道理看。蓦夺打破)。

僧参次。便问。和尚还识字否。师云。随分。僧以手画此○相拓呈。师以衣袖拂之。僧又作此○相拓呈。师以两手作背抛势。僧以目视之。师低头。僧遶师一匝。师便打。僧遂出去。

师坐次。有僧来作礼。师不顾。其僧乃问。师识字否。师云。随分。师乃右旋一匝云。是甚么字。师于地上书十字酬之。僧又左旋一匝云。是甚么字。师改十字作卍字。僧画此○相。以两手拓。如修罗掌日月势。云。是甚么字。师乃画此[○@卍]相对之。僧乃作姿至德势。师云。如是如是。此是诸佛之所护念。汝亦如是。吾亦如是。善自护持。其僧礼谢。腾空而去。时有一道者见。经五日后遂问师。师云。汝还见否。道者云。某甲见出门腾空而去。师云。此是西天罗汉。故来探吾道。道者云。某虽覩种种三昧。不辨其理。师云。吾以义为汝解释。此是八种三昧。是觉海变为义海。体则同然。此义。合有因有果。实时异时。总别不离隐身三昧也。

师因一梵僧来参。师于地上。画半月相。僧近前。添作圆相。似脚抹却。师展两手。僧拂袖便出。

师问僧。近离甚处。云。南方。师举拄杖云。彼中老宿。还说这个么。云。不说。师云。既不说这个。还说那个否。云。不说。师召大德。僧应诺。师云。参堂去。僧便出。师复召云。大德。僧回首。师云。近前来。僧近前。师以拄杖头上点一下云。去(云门偈云。仰山若无后语。争识得人)。

师。一日在法堂上坐。见一僧从外来。便问讯了。向东边叉手立。以目视师。师乃垂下左足。僧却过西边叉手立。师垂下右足。僧向中间叉手立。师收双足。僧礼拜。师云。老僧自住此。未曾打着一人。拈拄杖便打。僧便腾空而去。

师。指雪师子问众。有过得此色者么。众无对(云门云。当时便好与推倒 雪窦显云。云门只解推倒。不解扶起)。

师卧次。僧问云。法身还解说法也无。师云。我说不得。别有一人说得。云。说得底人。在甚么处。师推出枕头。洩山闻云。寂子用剑刃上事(径山杲云。洩山。正是怜儿不觉丑。仰山。推出枕头。已是漏逗。更着个名字。唤作剑刃上事。误他学语之流。便恁么承虚接响。流通将去。妙喜虽则借水献华。要且理无曲断。即今莫有傍不肯底出来。我要问尔推出枕头。还当得法身说法也无 天童华云。若是剑刃上事。寂子何曾会用。忽有个僧出来。问法身还解说法也无。向他道。我说不得别有一人说得。又问说得底人在甚处。只向他道。三生六十劫 灵隐岳云。仰山。从前一条脊梁。硬如铁。被这僧连拶。便乃四楞塌地。洩山。一期忍俊不禁。不知失却一只眼忽有僧问。冶父法身。还解说法也无。便与拦胸一踏踏倒教伊起来。作个洒洒落落底汉。不见道。犀因翫月纹生角。象被雷惊华入牙)。

师闭目坐次。有僧潜来身边立。师开目。于地上作此[○@水]相。顾视其僧。僧无语。

师携拄杖行次。僧问。和尚手中是甚么。师便拈向背后云。见么。僧无对。

师问一僧。汝会甚么。云。会卜。师提起拂子云。这个。六十四卦中。阿那卦收。僧无对。师自代云。适来是雷天大壮。如今变为地火明夷。

问僧。名甚么。云。灵通。师云。便请入灯笼。云。早个入了也(法眼别云。唤甚么作灯笼)。

问。古人道。见色便见心。禅床是色。请和尚离却色。指学人心。师云。那个是禅床。指出来看。僧无对(玄觉。云忽然被伊却指禅床。作么生对伊。有僧云却请和尚道。玄觉代。拊掌三下)。

问。如何是毘卢师。师乃叱之。僧云。如何是和尚师。师云。莫无礼。

师共一僧语。旁有僧云。语底是文殊。默底是维摩。师云。不语不默底。莫是汝否。僧默然。师云。何不现神通。云。不辞现神通。祇恐和尚收作教。师云。鉴汝来处。未有教外底眼。

问。天堂地狱。相去几何。师将拄杖画地一画。

师。住观音时。出榜云。看经次。不得问事。有僧来问讯。见师看经。旁立而待。师卷却经问。会么。云。某甲不看经。争得会。师云。汝已后会去在。其僧到岩头。岩头问。甚处来。云。江西观音来。岩头云。和尚有何言句。僧举前话。岩头云。这个老师。我将谓被故纸埋却。元来犹在。

僧恩[邱-丘+益]问。禅宗顿悟。毕竟入门的意如何。师云。此意极难。若是祖宗门下。上根上智。一闻千悟。得大总持。其有根微智劣。若不安禅静虑。到这里总须茫然。云。除此一路。别更有入处否。师云。有。云。如何即是。师云。汝是甚处人。云。幽州人。师云。汝还思彼处否。云。常思。师云。能思者是心。所思者是境。彼处楼台林苑人马骈阗。汝反思底。还有许多般也无云。某甲到这里总不见有。师云。汝解犹在心。信位即得。人位未在。云。除却这个。别更有意也无。师云。别有别无即不堪也。云。到这里。作么生即是。师云。据汝所解。祇得一玄。得坐披衣。向后自看。[邱-丘+益]礼谢之。

僧问。大耳三藏。第三度为甚么不见国师。师云。前两度是涉境心。后入自受用三昧。所以不见。

汾山问师。百丈再参马祖因缘。此二尊宿意旨如何。师云。此是显大机大用。汾山云。马祖出八十四人善知识。几人得大机。几人得大用。师云。百丈得大机。黄檗得大用。余者尽是唱导之师。汾山云。如是如是。

汾山。举百丈野狐话问师。师云。黄檗常用此机。汾山云。汝道。天生得从人得。师云。亦是禀受师承。亦是自性宗通。汾山云。如是如是。

泐山。举百丈问黄檗。甚处去来。黄檗云。大雄山下。采[卅/困]子来。百丈云。还见大虫么。黄檗便作虎声。百丈拈斧作斫势。黄檗遂与百丈一搯。百丈吟吟而笑便归。升堂谓众云。大雄山下。有一大虫。汝等诸人。也须好看。百丈老汉。今日亲遭一口。问师。作么生。师云。和尚怎生。泐山云。百丈当时便合一斧斫杀。因甚么到如此。师云。不然。泐山云。子又作么生。师云。百丈只解骑虎头。不解把虎尾。泐山云。子有嶮崖之句。

泐山。举南泉问黄檗。定慧等学。明见佛性。此理如何。黄檗云。十二时中。不依倚一物。南泉云。莫便是长老见处么。黄檗云。不敢。南泉云。浆水钱且置。草鞋钱教谁还。黄檗休去。问师云。莫是黄檗构他南泉不得么。师云。不然。须知黄檗有陷虎之机。泐山云。子见处。得与么长。

黄檗。在南泉为首座。一日捧钵。向南泉位中坐。南泉入堂见乃问。长老。甚年中行道。黄檗云。威音王已前。南泉云。犹是王老师儿孙下去。黄檗便过第二位坐。南泉便休。泐山云。欺敌者亡。师云。不然。须知黄檗有陷虎之机。泐山云。子见处。得与么长。

泐山。举黄檗示众云。汝等诸人。尽是嗜酒糟汉。与么行脚何处有今日。还知大唐国里无禅师。么时有僧云。只如诸方匡徒领众。又作么生。黄檗云。不道无禅。只是无师。问师。作么生。师云。鹅王择乳。素非鸭类。泐山云。此实难辩(泐仰师资。鼓唱拈评。机语尽多。如具临济录中者。兹不重载)。

夔上座。因到百丈。百丈云。阇黎有事相借问得么。夔云。幸自非言何须谿[言*室]。百丈云。收得安南。又忧塞北。夔擘开胸云。与么不与么。百丈云。要且难构。要且难构。夔云。知即得。知即得。师云。若有人知此二人落处。不妨奇特。若辩不得。大似日中迷露。

举五峯问僧。甚么处来。僧云。庄上来。五峯云。汝还见牛么。僧云。见。五峯云。见左角见右角。僧无语。五峯代云。见无左右。师别云。还辨左右么。

有一行者。随法师入佛殿。行者向佛而唾。法师云。行者少去就何以唾佛。行者云。将无佛处来。与某甲唾。法师无对。泐山云。仁者却不仁者。不仁者却仁者。师代法师云。但唾行者。又云。行者若有语。即向伊道。还我无行者处来。

师。接机利物。为宗门标准。再迁东平。将顺寂。数僧侍立。师以偈示之云。一二二三子。平目复仰视。两口一无舌。即是吾宗旨。至日午。升座辞众。复说偈云。年满七十七。无常在今日。日轮正当午。两手攀屈膝。言讫。以两手抱膝而终。阅明年。南塔涌禅师。迁灵骨归仰山。塔于集云峯下。溢智通禅师妙光之塔。

【经文信息】大正藏第 47 册 No. 1990 袁州仰山慧寂禅师语录

【版本记录】CBETA 电子佛典 Rev. 1.16 (Big5), 完成日期: 2010/10/25

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 佛教计算机信息库功德会提供, 北美某大德提供

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】
